

楚辭集注



楚辭卷第四

朱熹集註

九章第四

離騷十四至二十二

九章者屈原之所作也屈原既放思君
念國隨事感觸輒形於聲後人輯之得
其九章合爲一卷非必出於一時之言
也今考其詞大抵多直致無潤色而惜
往日悲回風又其臨絕之音以故顛倒
重複倔強疎鹵尤憤懣而極悲哀讀之
使人太息流涕而不能已董子有言爲

人君者不可以不知春秋前有讒而不見後有賊而不知嗚呼豈獨春秋也哉

惜誦以致愍兮發憤以抒情所非忠而言之

兮指蒼天以爲正愍音敏一作愍非是抒從手上一與丈呂二反一作紆

亦通非一作作忠下一有心字皆非是正叶音征○惜者愛而有忍之意誦言也致極也愍憂也憤懣也抒挹而出之也所者誓詞猶所謂所不與舅氏同心所不與崔慶者之類也蒼天之色也正平也猶言有如白水有如上帝之類也言始者愛惜其言忍而不發以致極其憂愍之心至於不得已而後發憤懣以抒其情則又從而誓之曰所我之言有非出於中心而敢言之於口則願
蒼天平己之罪而降之罰也
令五帝以折

中兮戒六神與嚮服俾山川以備御兮命咎

繇使聽直

令音零折從手之舌反一作析非是中陟仲反與一作以服叶蒲北

反命一作會使一作以○此皆指天自誓之

詞欲使上天命此眾神察其是非若曰司謹

司盟名山大川羣神羣祀先王先公也五帝

五方之帝以五色為號者太一之佐也折中

謂事理有不同者執其兩端而折其中也若

史記所謂六藝折中於夫子是也六神日月

星水旱四時寒暑也嚮對也服服罪之詞書

所謂五刑有服者也山川名山大川之神也

御侍也咎繇舜士師能明五刑

者也聽直聽其說之曲直也

竭忠誠而事

君兮反離羣而贅眊忘懷媚以背眾兮待明

君其知之

君兮之閒一有子字非是贅之芮反眊音尤一作尤叶于其反懷許

緣反背音佩一無明字一無君字皆非是○
贅肫肉外之餘肉莊子所謂附贅懸肫者是也
儼輕利也媚柔佞也言盡忠以事君反爲
不盡忠者所擯弃視之如肉外之餘肉然吾
寧忘儼媚之態以與眾違其言與行其可迹
所持者獨待明君之知耳

今情與貌其不變故相臣莫若君兮所以證

之不遠

行下孟反相息亮反之下一有而字
非是○言人臣之言行既可蹤跡內

情外貌又難變匿而人君日以其身親與之
接宜其最能察夫忠邪之辨蓋其所以驗之
不在於遠也左傳曰知子莫若父知臣莫若君此之謂也
吾誼先君而後

身兮羌眾人之所仇也專惟君而無他兮又

眾兆之所讎也

羌下一有然字非是一無二
也字兆一作人○誼與義同

怨耦曰仇惟思念也百萬
白兆讎謂怨之當報者
壹心而不豫兮羌

不可保也疾親君而無他兮有招禍之道也

疾一作病非是○不豫言果決不猶豫也不
可保言君若不察則必為眾人所害也疾猶
力也與上文專惟君之語同力於
親君而無私交固招禍之理也
思君其莫

我忠兮忽忘身之賤貧事君而不貳兮迷不

知寵之門○忠一作知而一作其門叶彌貧反
言我思君意常謂羣臣莫有忠

於我者則是貴近之臣皆不能致其身矣故
忘己之賤貧而欲自進以效其忠然其進也
亦但知盡心以事君而已固不懷貳以求寵
也是以視眾人之遇寵而心若迷惑不知其
所從入
之門也
忠何辜以遇罰兮亦非余之所志也

行不羣以顛越兮又眾兆之所哈也

辜一作罪以一作

作而余一作吾志叶音之一無二也字行下孟反哈呼來反叶呼其反○哈啁笑楚語也

言無罪放逐本非臣子夙心所期望紛逢尤

以離謗兮謇不可釋也情沈抑而不達兮又

蔽而莫之白也

白叶音弼一無二也字○紛亂貌尤過也謇詞也釋解也

沈沒也抑按也白明辨也

心鬱邑余侘傺兮又莫察余之

中情固煩言不可結而詒兮願陳志而無路

心一作怵侘傺音義並已見騷經中情以韻叶之當作善惡惡又當从去聲讀由騷經一

句差互故此亦因之耳固一作故結下一無而字詒音怡○煩言謂煩亂之言左傳曰嘖

有煩言是也騷經曰解佩纓以結言思美人
曰言不可結而詒疑古者以言寄意於人必
以物結而致之退靜默而莫余知今進號呼
如結繩之爲也

又莫余聞申侘傺之煩惑兮中悶瞀之忼忼

號音豪中一作心一心上別有中字瞀音茂
忼徒昆反○號大呼也申重也悶煩也瞀亂

也忼忼 昔余夢登天兮魂中道而無杭吾使
憂貌

厲神占之兮曰有志極而無旁 杭一作航○

並濟也通作航厲神蓋殤鬼也左傳晉侯夢
大厲祭法有秦厲公厲族厲主殺伐之神也

旁輔也言夢登天而無船者其占 終危獨以
爲但有心志勞極而無輔助也

離異兮曰君可思而不可恃故眾口其鑠金

兮初若是而逢殆

鑠書藥反殆叶徒係反○終危獨以離異果如始者

占夢者之言也君可思者臣子之義也不可

恃者其明暗賢否所遇有不同也眾口鑠金

美金見毀眾共疑之數被燒煉以至銷鑠也

殆危也言初以君為可恃故被眾毀而遭危

也懲熱羹而吹鑿兮何不變此志也欲釋階

而登天兮猶有曩之態也

懲熱羹一本熱作於而羹下有者字

一本有於熱者皆非是一作懲熱於羹而無

者字亦通鑿一作鑿並音齎此下一有之字

一無二也字態叶音替○鑿凡醢醬所和細

切為鑿或曰擣薑蒜辛物為之者也階梯也

蓋羹熱而鑿冷有人勸羹而太熱其心懲忒

後見冷鑿猶恐其熱而吹之以喻常情既以

忠直得罪即痛自懲忒過為阿曲而我今尚

欲釋階而登天則是不自懲忒而猶有前日

忠直之意也 眾駭遽以離心兮又何以為此伴也

同極而異路兮又何以為此援也一無眾字援于願反

一無二也字○伴侶也極至也援引也言眾人見已所為皆驚駭遑遽以離心則無與己

為侶者也與眾人同事一君而其志不同則如同欲至於一處而各行一路誰可與相援

引而俱進者耶晉申生之孝子兮父信讒而不好行

矯直而不豫兮鮡功用而不就好呼報反叶呼鬪反○申

生事見左傳禮記鮡事見騷經天問篇不豫見上吾聞作忠以造怨

兮忽謂之過言九折臂而成醫兮吾至今乃

知其信然成一作為為下有良字一無至字一無信字○忽者易而略之之意

人九折臂更歷方藥乃成良醫故吾於今乃知作忠造怨之語為誠然也左傳曰三折肱為良醫亦增弋機而在上兮尉羅張而在下此意也

設張辟以娛君兮願側身而無所增側僧反

尉音尉下叶音戶辟毗亦反又音臂○增繳

射鳥短矢也弋繳射也機張機以待發也尉

羅掩鳥網也辟開也與闢同或云謂弩背也

言讒賊之人陰設機械張布開闢傷害君之

所惡以悅君意使人憂懼雖欲

側身以避之而尤恐無其處也

欲儻何以干

際兮恐重患而離尤欲高飛而遠集兮君罔

謂女何之儻知然反恐王用反重儲用反○

益也離遭也集鳥飛而下止也謂遠遁也如

此則又恐君得無謂女欲去我而何往乎

欲橫奔而失路兮蓋堅志而不忍背膺脾以

交痛兮心鬱結而紆軫

一志堅背音貝脾音判無蓋字堅志一作

下一有合字膺下一有敷字結一作約○橫

奔失路妄行違道之譬也膺胃也脾半分也

禮傳曰夫妻脾合也言欲妄行違道則吾志

已堅而不忍為通上章三者皆不可為則背

胃一體而中分之其交擣木蘭以矯蕙兮繫

為痛楚有不可言者矣

申椒以為糧播江離與滋菊兮願春日以為

糗芳

擣音禱矯一作擣繫即各反○擣春也矯猶糗也繫精細米也播種也滋見騷

經糗糲也乾飯屑也春日新蔬未可食即且

以此為糗而又不忘其芳香言不變其素守

也恐情質之不信兮故重著以自明擣茲媚

以私處兮願曾思而遠身

質音致一作志重直用反橋居表反

會音增明叶音芒思去聲身叶音商○質猶交質之質橋舉也媚愛也謂所愛之道所守之節也私處猶曰自娛也曾重也會思所以慮害遠身所以避害

右惜誦

此篇全用賦體無他寄託其言明切最為易曉而其言作忠造怨遭

讒畏罪之意曲盡彼此之情狀為君臣者皆不可以不察

余幼好此奇服兮年既老而不衰帶長鋏之

陸離兮冠切雲之崔嵬

鋏古挾反冠去聲崔音摧嵬一作巍並五

回反○奇服奇偉之服以喻高潔之行冠劍被服皆是也衰懈也鋏劍把或曰刀身劍鋒也長鋏見史記切
雲當時高冠之名被明月兮珮寶璐世溷濁

而莫余知兮吾方高駝而不顧駕青虬兮驂

白螭吾與重華遊兮瑤之圃

璐音路知下一無兮字顧下一

有兮字皆非是虬螭音義皆已見前篇圃叶去聲○在背曰被明月珠名以其夜光有似明月故以為名璐美玉名乘靈物從聖帝遊寶所皆見其志行之高遠登崑崙

兮食玉英吾與天地兮比壽與日月兮齊光

哀南夷之莫吾知兮旦余將濟乎江湘

英叶於姜

反比齊一皆作同一無將字乎一作於○登崑崙言所至之高食玉英言所養之潔南夷謂楚國也乘鄂渚而反顧兮欸秋冬之緒風步余

馬兮山臯邸余車兮方林

欸音哀風叶孚金反邸丁禮反一作

低○鄂渚地名今鄂州也欵歎也方言云南
楚謂然為欵史漢亞父曰唉及唐人欵乃皆
此字也邸至也一作低者說見
招魂軒轅既低下方林地名 棗船船余上

沉兮齊吳榜而擊汰船容與而不進兮淹回

水而凝滯舠音零一作舠上時掌反榜北孟
反又音謗汰音泰疑一作疑滯叶

丑介反○舠船船有窗牖者或曰小船也上
謂汭流而上也齊同時並舉也吳謂吳國榜

擢也蓋效吳人所為之擢如云越舠蜀艇也
汰水波也船不進而凝滯畱落之意亦戀故

都也朝發枉渚兮宿辰陽苟余心之端直兮

雖僻遠其何傷渚一作渚之一作其僻一作
辟其一作之○枉渚辰陽皆

地名水經云沅水東逕辰陽縣東南入溇浦
合辰水沅水又東歷小灣謂之枉渚

余儻個兮迷不知吾所如深林杳以冥冥兮

乃猿狖之所居

激徐呂反儻個一作遭迴吾下一有之字杳下一有復出

杳字一作晦冥冥一作冥冥一無乃字晦字以下皆非是猿狖見前篇○激浦亦地名

山峻高以蔽日兮下幽晦以多雨霰雪紛其

無垠兮雲霏霏其承宇

高下以一作而垠音銀○霰雨凍如珠將

為雪者也哀吾生之無樂兮幽獨處乎山中

吾不能變心以從俗兮固將愁苦而終窮

樂音

洛接輿髡首兮桑扈羸行忠不必用兮賢不

必以伍子逢殃兮比干菹醢

髡音坤羸一作裸並力果反醢

叶呼彼反。○接輿楚狂也。被髮佯狂，後乃自
髡。桑扈，卽莊子所謂子桑戶。嬴行，謂赤體而
行也。或疑論語所謂子桑伯子，亦是此人。蓋
夫子稱其簡，家語又云：「伯子不衣冠而處夫
子譏其欲同人道於牛馬。」卽此裸行之證也。
以亦用也。伍子吳相，伍員子胥也。諫夫差，令
伐越，不聽。被殺，盛以鴟夷。而浮之江。與前世
事見左傳、史記比干事。見騷經：「天問。」

而皆然兮，吾又何怨乎今之人？余將董道而

不豫兮，固將重昏而終身。

董正也。不豫，見惜
誦重昏重複暗昧。

終不復見
光明也。

亂曰：鸞鳥鳳皇日以遠兮，燕雀烏

鵲巢堂壇兮。

壇式衍反。○比也。言仁
賢遠去而讒佞見親也。

露申辛

夷死林薄兮，腥臊並御，芳不得薄兮。

臊音騷
得薄之。